

305

20



始



梅翁詩鈔十三

燕京大學圖書館寄贈本

江甯汪士鐸

甥上元吳達重校刊

十哀

梅郎中伯言

提攜姚管軼陳方文衍桐城一派長後二十年傳絕業  
 此三百石異中郎詩才飽擷書城秀儷語勤熏選體香  
 白首歸來喪亂裡一棺旅邸更蒼涼姚椿管同陳用光  
 姚氏弟  
子也君年十九學于  
 姚門後卒於淮上

金明經偉軍

鄉校雄談仰霸才繡春園裡共傳杯商邑志事坦懷待我真  
 三益古誼思君賦八哀文學重刊風土記時邑人刊君  
 著金陵待徵



錄 詩僧邀住雨花臺采繁橋北荒榛滿無復侯芭載酒來

蔡主政子涵

杏花時節客長安

時赴禮部試

驚亂南旋旅店寒豫讓漆身

人莫識壽昌尋母事尤難

君易丐服入城負母出

纔嗟薄宦同孤

梗倏累衰年痛兩棺

君夫婦同卒

白髮青裙倚閭望刊君遺

集涕汎瀾

君母刊其遺詩

陳孝廉理堂

偉識匡時計更奇漫將張角比潢池乞師宜赴唐回紇

散黨先降漢赤眉

君以武備太弱請當塗乞師外藩幸並先以重幣召降湖南北助賊者

有故人堪寄子逆知文吏必與尸

正月八日君以子出寄北塘周孝廉次微

圍城未破捐軀早

君於賊至卽自縊

誰謂書生見事遲

譚茂才石耕

書肆何能望洛陽忽然莊語忽佯狂人閒良驥皆芻狗

舍下雄雞盡鳳皇醉後大聲偁殺賊夢中飲泣尙呼孃

吳王舊府荒陂水定有烏鳶飽俠腸

童茂才雨叔

短足長須老秃翁醉酣潑墨雜青紅偶爲草木開生面

悔與熙筌作替工翦燭留賓深巷雨傭書將母小樓風

盜中無粟牀無被劇賊逢君亦歎窮

張茂才次淮

衣裳百結若懸鶉井臼縫紉盡自親孥寄北塘才一夏

詩如東野後千春送窮文短難驅鬼避責臺高轉近人  
昨夜賊灰牛首塔尋君行徧大河濱

高上舍朋先

飲露餐霞與眾殊頗嗟珊網有遺珠爲秦贅壻英年過  
若辭居州善士無搔首窮愁惟婦子羨人歸計滿江湖  
北門雨雪留荒戍生死何人恤趙孤

王布衣武先

兄爲良賈弟寒儒在舍炊爨出借車八九子生秦氏樹  
召贅秦氏十三行賣晉賢書送人作郡期餘瀝投刺無門屢  
僦居辛澹南歸淮水碧憑高垂涕盡邱墟

家布衣松崖

布衣忠烈動風雲擔飯烹葵餉義軍北郭友生甘迸命  
要離妻子慘同焚城甫陷君與比鄰李松滋及王某死酒  
壚久愧高門祝巾笥難尋誓墓文誰賦國殤能獻弔寒  
蛩冷月若思君

贈別汪梅軒鏡清赴燕復之秦中

席帽疲驢佩蒯緌北遊不遇復西遊里中兒女留孤憤  
關外弓刀動旅愁誰爲清流籌廣廈獨持偉論重邊樓  
年來頗悔尋梅約未尼三溪一葉舟君云谿橋雪霽野  
梅正開謹掃蘿徑  
顛山蔬以待時  
已辭館將行也

客談三官堂往事

誰泥鬼神元一語塑爲天地水三官丹青不見朱絲筆

黜堊新營太乙壇遂有高軒來月殿遙傳曲宴尙星冠  
道流以羽衣倚酒可憐風雨元都觀種得桃花一夕殘

呂祖閣

誰看飛劍下空山竹樹回環未許刪幻跡盡生流俗口  
仙心恐在沈寥閒遙岑雪試龍公手祕殿烟迷雉子斑  
良夕嚴城應下鑰王孫醉臥不須還

四聖堂

誰呈符命媚楓宸復伴崔祠祀四眞瑞紀龍交同漢史  
義援羊字託詩人狼弧并鉞森神御鏡殿珠簾聚酒民  
七百載來南渡事高靈劫火了無塵

洞神宮道士全眞教也

誰探月窟與天根勤儉分明得道原獨爲老聃傳正法  
更因女兒動儒門牲醪利益無人鬼花石經營亦子孫  
此是五千言大誼漫談妖異惑元元

朝天宮許靖事

誰將神部朝儀地別構眞仙正乙祠綺閣風流唐後主  
綠章齋醮寇謙之花閒蜂蝶偷窺後室裡魚龍雜戲時  
昨夜雷霆下霄漢分明飛電戮蛟螭

隱仙庵王朴山

誰勤小築翠岩邊灌木森沈起夕烟叢桂滿山留小隱  
焦桐一曲動高賢姚惜抱先生雪鴻久逝清游跡笙鶴聊憑  
好事傳近日頗有笑談丹竈不留藥苗老未妨蓬島有詩仙

王子壽比部

樞庭才識孰能齊曾向漳南羨鳳兮學道余慚樓上下  
卜居君許灑東西百年命惜童烏短千里行因老驥稽  
遙望白螺磯畔路束芻難致楚雲低

羅忠節澤南

礮車如沸劍鋒寒破賊非難講學難授命危城悲後死  
教忠新廟感同官遺書徧刻孤兒社高足班升上將壇  
俎豆干戈無異用文成忠武兩儒冠

追悼陳純齋

全士

嶽奇豪氣未能除刊落浮華溯太初並世我欣聞偉論  
異時人定覓遺書七年薄宦曾驚座八十衰親尚倚閭

有客望都城下過士民流涕說縣魚

思三女

寒門憔悴存斯女八十衰翁淚暗彈新故四時成代謝  
恩仇兩姓各悲歡病深臟腑能生少誼屬倫常作達難  
誰注范書馮衍傳漫云好古不曾觀

名園

名園花石壓城闔紫紫紅紅雨後新池館六年三易主  
親朋十姓九無人昨朝小隊停征騎竟夕華堂動舞塵  
只有珠簾雙燕子慣看賓客總朱輪

儒生

儒生好古惜秦灰時會於今更可哀心怯衰年增己感

身經多難急人才泥沙日向江河積風氣新隨土地開  
行到小輪最卑點鴻鈞何計轉初來

聚奎樓有感

誰割鍾山作畫屏曉雲片片帶龍腥金絲入座秋穿牖  
魁斗當簷夜聚星地鄰文廟貢院時方鄉試故云見說虎狼瞰甌脫東南  
臺灣西南孟何時騏驥出郊坰臨風不盡賢才感祝拔  
卯俱有夷患英雄佐大庭

漫與

閉門種樹息諸緣烏笠鴉鋤荷一肩各有是非殊彼此  
漫疑謠詠徧人天莫齡行樂餘茶社歉歲無征只硯田  
說與簷前兩鸚鵡憑渠歌哭我高眠

悼嚴渭春中丞

清操幹局若為隣丹旄西歸不厭貧能使貪殘皆屏跡  
要令天下有斯人一朝徧薦中朝彥公薦賢二十餘人三黜終  
完不朽身漫與時賢怪隨陸公三以不年來桂管已無  
塵

弔王子壽比部

螺磯屢欲結芳隣無那簞瓢境太貧亂世我期依孝子  
孤忠君每託詩人文壇甲乙知名士時人戲呼君祠祿  
君主漳東西學道身早日商瞿常見慰童烏忽已化黃  
南書院塵君少子信

弔何太史子貞

言十三  
六  
酒德溫溫孰比鄰魚飧一器久忘貧文章行義絕時輩  
嫉惡好賢真古人篆籀形留三寸管龍蛇讖掩百年身  
卽今名姓滿天下未信元規尙有塵

鳳陽

麗譙南北峙高城馬上塗山撲面迎天遣雁狐留禹跡  
人傳唳鶴走秦兵時清戍卒緣檣戲春煖農夫佩劍耕  
此是東南要領地威名憑仗亞夫營

懷葉金甫都中

相約柴車共入關樊籬倦羽最先還論交洛下東西屋  
招隱淮南大小山差喜朱門粲許投可憐青鏡髮俱斑  
長安市上黃塵足珍重儒冠舊日顏同厲會館之  
四大名山屋

題程也園吏部盾磨墨圖

胭脂坡下擁貂裘小史如雲護棨輦早歲才名三大禮  
平生交際五諸侯銓曹說士當堂注樞相虛懷借箸籌  
朝罷有誰供退直宣和坊裏鈿篋篋

銀釵擊鼓聚羣蠻荒峒深箐拒漢官匹馬遠隨卿月出  
連營何意將星寒空山雨黑狐鳴急廢驛苔多虎跡殘  
獨護麟符和籜節五千里外返長安謂福  
郡王

投簪卅九氣縱橫養志家山出處明肯散金錢憐國士  
不留債券傲齊卿陳遵累有扃門飲王粲常勞倒屣迎  
我恨遲公三十載空瞻翠墨想平生

一時冠蓋走朱輪邗上吳趨日日春東去銅山連海島



南來珠舶狎鮫人老懷欲訪三衣衲瘴氣長埋七尺身  
曾共信陵賓客話為公俯仰一傷神公奉命之日本購銅

周小農笠屐圖

故人座上久知名張君容園大障山高意氣傾能識古文劉  
貢父共推詞賦庾蘭成論交香火通三竺六舟師入室丹  
黃敵百城今日披圖見丰采相於車笠訂新盟

送周縵雲先生歸苕川養親

己巳上元

講樹穠陰五載成蚤春打漿數歸程千門燈火紅連驛  
一路湖山綠到城故實梓鄉多彩筆新詩蘭譜補瑤笙  
板輿隨侍經行處指點家園孝筍生

甘建侯江上春歸圖

鶯花旖旎滿淮陰料理琴書罷越吟芸案丹鉛江表遠  
蘭陔歲月里門深鵬程終展高雲翼翟第新酬寸草心  
知有故園松石在相期豈獨伯牙琴

偶成

藍縷牛衣亦可人莫孤石火百年身緣無駿馬方求骨  
豈有靈犀不辟塵博望仙槎通斗極公孫高閣逼星辰  
龍門壺口尋常路齒冷人閒最要津

新作江甯府學

冠山架壑聚般倭高殿齊雲翼赤墀七代師儒新俎豆  
百年文物舊官儀閣臨太乙繙經便今為書局廟易玄元問  
禮遲故為老子廟今日猶龍成末法不同魯壁有金絲

送某人 觀之作

九霄威鳳景雲興放逐眞如退院僧去國賈生緣痛哭  
辭官陶令漫多能晴過岱嶽朝看日寒宿滹沱夜踏冰  
猶戀承明好廬舍至今昔昔夢觚稜

壬申歲上元觀燈

以下  
壬申

瓊樹生花萬點飄金吾撤仗慶元宵重輪月映鰲山頂  
百尺虹聯鵲渚橋競說西王眞獻玉未妨羸女爲吹簫  
江東歲醜昇平酒卻祝羌人劍戟銷

正月二十日白香山生日孫琴西觀察召祀公於

莫愁湖上

舊傳讜論滿鑿坡管領湖山足醉歌早歲雞林詩價貴

昨來龍樹法緣多琴尊幸有高賢接香火無如曠代何  
我願續公新樂府勝棋樓下伴漁蓑

聞陳厚卿自滬上歸談和約事

昨聞槎客返蓬廬卻恨當關誤魯魚小吏抱文分屬國  
大夫握槩較蠻書青山我誓埋愁久白首君知涉世疏  
舊雨重逢雖落拓莫嫌村酒啖園蔬  
皇仁柔遠及蠻荒奇技何嘗入尙方絕島市廛來蜃氣  
古人竹帛重龍驤西王入貢宜占月北海能超更履霜  
辛苦漢家大都護只將玉帛賦承筐

戲題

烏鳶螻蟻任追尋蘆葦桐棺亦素心得死已非凶短折

閨人况感去來今山連茅蔣佳城近歲在龍蛇吉語深  
今年太歲始王申也且喜連宵寒露重重黃菊定能簪

碧玉

碧玉搔頭翠鳳皇眾人指內家裝神君舊是分香伎  
宛若新傳祀竈方昨使陳王驚洛浦遂教名士豔高唐  
長門尚待千金買莫便爲雲侍楚襄

曾文正公小象

已上清都侍冕旒黃河秦岱氣常留盟心管葛同吹吶  
唾手荆揚賴借籌百世幸瞻威鳳彩十年辱與海鷗游  
江南共有西州感况溯流風未阻修

淡水某司馬雲帆渡海圖

代

使君萬里浣征塵卉服如看上古人海抱石城餘鳥語  
潮低沙埔指鯤身六條定布台中教半刺能生域外春  
早晚漢廷思賈傅縣知桐邑念深仁

與胡嘉言談雞翁關往事

曾訪鄉人自往還竹篔簹過車斑烟中聲咽譙樓角  
雪後人耕峻畝山路繞深箐饒虎跡邨經劇寇閉雞關  
天然絕險無爲守空對危城恤後艱

性卽理

遠近分明性習差鄒山忽有異軍譁釋名誤等周人璞  
解字虛同漢上槎辯士蘇張新樣錦宗門粲可別枝花  
子臣弟友吾儒業祖祧於今判兩家

十二月初二日

釋菜春秋拜孔顏當時只附小儒班持齊物論蛇蝎外  
作信天翁虎豹閒同彼百川徒望海悔余九仞未爲山  
白鷗此後烟波闊鳩鷄何勞共往還

送孫琴西廉使入覲卽謝其酒肉之惠

江城曉霽雪初殘菊釀蘭熏慰歲寒處士四星依斗極  
大夫五傳入長安北門重訪鵷鴻翼南國聊裁獬豸冠  
卽日漢廷索臯尹愛才知不歎才難  
觚稜新靄滿皇都重訪承明御柳無三殿近光瞻日  
月十年去國夢江湖治經能決春秋獄述職惟陳益稷  
譙幸爲吳民言疾苦當筵不敢唱驅駒

贈張春陔侍御

青邱邪迤纏斗杓幸有彼美調簫韶春秋之義內諸夏  
諫議所言尊本朝何十九人甘碌碌奈六七聖今遙遙  
宜都山水楚國奧采蘭飲水懸一瓢

送孫琴西觀察之官皖江

春郊祖帳且從容先向賓筵束帶從觴豆齒蒙推犬馬  
文章望久屬夔龍觚稜再仰星雲近瀟霍重邀雨露濃  
遙識柏臺清燕日雅談應憶後凋松

談藝

談藝休謙大小巫爲君翦燭削繁蕪自來黃雀機心息  
况對滄江塵事無賤子文難垂竹帛故人命久致菰蒲

書丹刻石千秋計敢使重泉怨諾逋

有感

先清吳越次燕齊極目嘉禾並畝棲南望黎陽休捧土  
東瞻函谷已封泥萬牛難挽河流北一鶚高翔斗柄西  
聞說至尊猶躡堙井中玉檢漫標題

癸酉五月四日紀夢

誰何作伴過苔磯二客支離泯是非仍忍饑寒甘守拙  
譬當羈旅卻思歸僮公吳母居停主破帽塵衫杜德機  
日色無光風栗颯無端莽草掛裴衣

題莫子偲影山草堂圖

送君丹旆返松楸今又披圖憶舊遊陵谷變遷餘翰墨

人琴悲哽總山邱十年故絹鴻留跡二頃荒田鶴未謀  
能讀楹書喜賢子一編珍重海東頭

憶范西民太守

漏網鰥魚幸再逢西民自稱入山情比出山濃君不就德無  
安知府  
衣衲具疑儒墨說冠昏喪備禮容同學維摩經後女黃氏  
女與君同門皈心洱海寺前松君滇籍家寺前人閒難醒惟塵夢君  
近招魂第幾重

鷓鴣

問余何事喜南征青草湖西瘴不輕竹嶺路幽人欲絕  
笮橋水急雨初晴華筵乍聽新詞調蠻語先移北客情  
避世我方覓溪峒勸君莫惜短長聲

讀吳木齋同年所贈日知錄集釋

沈沈遠柝雜風陰  
敲枕閒聽隔巷砧  
高樹有聲疑雨至  
小窗無夢掩燈深  
拙謀翻羨傳衣衲  
舊事虛辜掛劍心  
聞說郎君繼清白  
不須撫卷感人琴

曾九帥改撫山西

投戈講藝似書生  
菱玉旋攀海若驚  
望裏山河改秋色  
時八遂令草木識  
威名東垂近輔三  
垣曜西顧新增萬  
里城遙仰五臺  
巡幸路晉陽未必遜中京

聞劉恭甫再中副車

班荆邗上切劘時  
道義交深海內知  
我已一編終老屋  
君今三世號經師  
文章舊價連城璧  
伯叔君與弟貴曾  
字良甫同年

副榜同懷博浪椎  
長記鄉閭何侍御  
霜蹄轉眼到天池  
何桂芬新甫亦兩次  
副車後入詞館

有感左侯相言引年

都護雍容萬里行  
高昌鄯善各爭迎  
朱旛近始臨疏勒  
黃石應遲祀穀城  
獻令四方湯右相  
出關兩道漢西京  
明駝駿馬秋方健  
駿格摩崖待紀名

有感閩中九龍山事

狂寇遺祭伏草萊  
川閩置驛歲千回  
吞舟漏網雖前記  
篝火書丹釀後灾  
良史苦傳賢尹跡  
幻人恐自悅般來  
諸公競博慈祥譽  
卻累他年撥亂才

七省海防圖

析木津通粵與燕欲緣鼇足絡山川詩書縱議古人拙  
文質終疑末俗偏中外量殊戎夏索東西夷奉漢唐年  
舊傳豪俠才三戶况復齊州九點烟

賀孫琴西開藩湖北

絳節朱轡謁 帝闈遂騎黃鶴住江津論才於古得一  
石好士如公無幾人燕雀自應依大廈烟波終是懼勞  
薪舊游不盡雞豚戀知錫荆襄萬戶春

赤雅

山繞南荒塞四維思州風土雜然疑抱琴始信逃儒早  
辟地無如走越奇篆甲剝丁地名殊禹跡金花犴草尙殷  
遺後賢漫羨雲娘豔恐託詼隅寄所思

題翁鐵梅藏趙子實作炊圖詩冊

子實金陵人圖作於隆慶六年

杜臆丁庖共發醅三隅行竈亦詩材乞從薄社災前火  
留作昆池劫後灰酒肆五君無主客藝林百世護風雷  
平生不與南皮燕未見高賢負鼎來

趙粹甫

佑宸

太守餽炭金

孟飢酸齋苟自全捶鉤今已迫衰年恆暘南畝愁不雨逾五  
餘月無麥投隙西戎解刺船時防春於金州泝滌統人新  
鬻技時贈須陀洹果抵生天貴游且莫侈豪盛試讀蒙

莊第二篇

題洪琴西都轉冰天春霽圖

上谷風沙駁薛斑枕戈夕夕戍秦關春回萬井瞻金闕

雪擁諸峯聳玉環才喜文翁開石室忽傳謝朓臥青山  
羣公側席思賢佐多恐閒雲不久還  
駒馬成羣五色斑一鞭初日度嚴關塞翁祖帳青衿集  
關尹迎門紫氣環遠有鳳鸞思假翼適令猿鶴早回山  
孤松偃蹇臥幽壑亦遇歸雲偶往還

梅翁詩鈔十三

終

受業外孫吳鏗慶隨校

梅翁詩鈔十四

江甯汪士鐸

甥上元吳達重校刊

題歸安吳貞女詩

溪前芒霧水獺肥溪上清露驅孤飛蘋花滿地雪溪冷  
知有佩珩乘月歸

元延尺

代周小農丙午三月四日

獵罷長楊意氣衰昭陽禍水鎮追陪侍郎未老皇孫啄  
請爲君王度量來

題登原訪碑圖爲周筱農作

昔年淮泗真人起曾卜筵筮大吉羊今日尊前慚數典  
多君能話夥頤王



題周筱農僧伽圖君善金石時方餽予鹽筍故戲

及之

道州太史文章伯何子貞金石今參法眼燈借使菩提同

說戒不知誰是確坊僧

平生北秀南能外玉版風流是本師暇日與君作都講  
開堂先說籙龍兒

鴛鳥連啼性不知止故以集栩爲苦詩以調之

影亂驚鴻碧樹低高飛怪殺子規啼桃花流水無人管  
合伴春江乳鴨棲

題扇

鄰僧新爲補雷琴蛇蚶紋多入漆深偶向蜜梅花下鼓

被人知有出塵心

綠樹春深晝掩屏曲牕矮几篆烟青自泥金葉和膠罷  
虔寫波羅一卷經

館陶家丞印

上林苑外接昆池貴主香車絕道馳墨勅斜封除吏眾  
何嘗只有買珠兒

奉車都尉龜紐印

香飄豹尾彩離披天語分明近侍知後日無從覩司隸  
輸君親見漢官儀

漢曲成圉侯玉印白文蟲達之印

五星灞上氣成龍春殿金吾御仗紅何事史臣惜佳傳

負君一十八元功

隋大業二年造高寸許銅佛

羣盜縱橫徧九州征遼未了濬邗溝金仙卽有能仁術  
無奈君王鏡裏頭

無題

成虧兩失悔尤多舊事追維喚奈何欲乞慧燈然丈室  
愛根斬盡斬天魔

廉石圖送某明府代

曉鴉啼徹禁城春祖帳三三拜畫輪淮雨江風盡惆悵  
射陽猶有感恩人

臥轍衣冠滿運堤虛堂琴罷鳥空啼昨來禪智山光寺

鼓吹分明罷竹西

曾隨塞雁共南飛內外清齋馬不肥卻怪淮南千萬戶  
不如拳石伴公歸

扁舟只載五湖烟引退西畊好時田何事灞橋橋畔柳  
望公三起忽三眠

無題

鬻貨好內曹景宗畫錦乃慕韓魏公螭螭紺碧影照水  
輕薄莫怪羅江東

放歌

桃花一笑三千春玉簫吹倒秦樓塵欲割岱華作螺黛  
世上無此掃眉人

言十四  
有鳥鳴春蟲鳴秋四時任與造物遊珊瑚綴冠金在笥  
相子之面非通侯

夢中得詩三句因足末語成之

石墜莓苔帶殘雨苔上落花紛可數枝頭好鳥正鳴春  
勸卿莫語如嬰武

北斗

北斗斜倚天雨霜屋角小蟲催洗漿燭天酒船紈綺子  
量珠打漿迎紅妝  
得馬失馬俗見爾濯纓濯足自取之寸膠難湛九曲濁  
勸君閉門忍朝饑

訪馬紉蟬

青莎獵獵紅葉疏誰家炊菘羹鱖魚烟深雨細路不辨  
呼君驚起雙春鋤

楊二檀

撫字安世

遺詩帖

湖山豈爲癖烟霞翰墨流風亦足嘉獨羨文孫述先德  
鄭公遺笏幸傳家

愛水

愛水恩波懺悔遲一生噩夢不堪思意中久作無家影  
欲踏雲山覓本師  
明月團圓絕點塵無端幻作鏡中身東風自綠瀛洲草  
多事游人愛早春

寄吳木齋麻城

將軍之暴令公怒將軍之功庇州閭兩虎私鬪古所戒  
願公遠法藺相如

山中

疏雨寒生旅店燈平明仍作打包僧竹篾棕屨鴉山路  
一夜霜華結作冰姚村西南歷老虎獐子伏獅青苔鴉  
山塘黎六小嶺共二十里路皆坡陀  
有佳茗佳餅  
人情亦樸

叢篁不斷夾幽谿嶺上鷓鴣隔樹啼賣餅人歸春日午

焙茶香到路亭西

鷓鴣山餅極  
得名也

枳花歷亂夾薔薇木杓初成覓渡稀行徧綠陰聞爆竹

僧雛分得社錢歸

舊傳海水淺蓬萊又說昆明是劫灰此亦桃花源內路

漁郎深喜不重來

雙松閣詩

東野苦寒玉溪隱涪翁排鼻後山新瓣香留得雙松閣

千古詩人有德鄰

兔首豚肩異餽飮誰人親侍草元亭它年上座開堂日  
妙諦拈來此甯馨

上乘庵

古木茅籬曲澗西門前苦竹鷓鴣啼欲聯汐社從君住  
累卻黔婁尙有妻

口號

遠山一縱復一橫山中獸馴雀不驚

皆實錄也

佳人何在在

空谷閉門織箔不聞聲

高渭川死事冊

春日昏昏鬼馬馳泰山錄事語離奇一周厄運權輿此  
莫怨將軍盪寇遲

就死惟借義僕謀此時何暇計千秋階前八甕無多水  
卻尋昆侖最上流

誰放紅巾過嶺來平原敗後角聲哀若爲留得虛堂在  
尙使東方話劫灰

明牕苦閱三千牘夜室沈冤億萬身今我安禪爲說法  
桃枝久培養癡人

題泥中人卷

緯蕭賣菜亦天民奚事泥蟠逐世塵可惜干戈天地滿  
無從與結孟家鄰

楊葉洲

夜泊荒江古驛頭驛前打鼓迓歸舟蘆花不解欺孤客  
卻逐西風送白鷗

駭聞

蔥蘢庭樹欲凌雲鳩拙鳩仁本不分何事寒鴉心最險  
高枝纔上便呼羣

祝枝山書宋四家卷子

徧參知識行南北恨未西尋祇樹林偶向它山逢上座  
得瞻十一面觀音

金壽門醉書

右拈秃管左提壺細雨蕭騷旅興孤留得裁縫針線跡  
休分紫鳳與天吳

卽事

矮屋茅簷絕點塵好風忽送一枝春亦思學作青衣賦  
多事張超解笑人

扈蹕圖代

羽騎旂分總六軍先皇講武布風雲岐陽獵鼓千秋壯  
親賦攻同卻讓君  
湛恩穠浹塞門春祗學長楊賦朔巡誰識先朝甥舅誼  
半緣獮狩半親親

蔥蘢萬樹擁山莊詞客期門盡急裝留得聖人培植意  
日磾家世本名王

上谷藩封接定襄賽音一部又親王於今唱徹伊涼曲  
尙想天驕助朔方

周軍門眇一目圖代

虞山喋血戰袍紅開拓江南第一功道上豐碑記名姓  
軍門家世本湘東

礮火狼烟照海隅喧傳大帥定吳都勳名畫入凌烟閣  
拚作彎弧審固圖

妙才碩畫駐征驂軍事民情一例諳欲識將軍遺愛處  
杏花春雨滿江南

東南半壁洗瑯戈  
猛士閒吟敕勒歌  
申息北門狼虎滿  
請君英盼定荆河

聞六合劉某之喪

聞君來自黃金臺  
劇辛樂毅安在哉  
可憐江上死馬骨  
日暮愁聽畫角哀

高樓

高樓東望楚雲平  
花月難忘白下城  
今日江南詞客盡  
傷心誰是庾蘭成

陶尚之小照

胸中一事不帶芥  
眼前九流俱欲獻  
向晦嗒然旦莧爾  
不知果蔗與癰疽

張儉卿小照

長安四月花亂飛  
長安陌上行人稀  
珊瑚七尺珠一斗  
留君不住君亦歸

題放舟圖

長江不浣胸中塵  
白驅寒盟背向人  
眼前無風莫放溜  
勸君姑醉村醪春

駭浪驚波險一時  
落帆下碇長年知  
近來徒步沙灘上  
閒借漁家短笛吹

塞下曲

黃雲漠漠隔交河  
牙帳潛移草地多  
一帶鈴聲沙磧晚  
獨吹羌笛引明駝

幕府傳聞斬谷蠡平明金印下丹墀琵琶忙殺涼州伎  
笑賀尋常帳下兒

贈歐陽愼

喬木美箭夾清漪有秦漢書古鼎彝脫巾散髮茶鐺響  
彼何人斯焉取斯  
虛堂燈昏涼飆淒絡緯促織以次啼下階步月梧影碎  
銀河西落如簷低  
成都舊有君平肆涪水誰從郭玉游我爲不能徒自愧  
年年橐筆事諸侯

賣藥

賣卜猶須閱九師不如賣藥易神奇卻愁久住長安市

名字終爲女子知

薦賢

薦賢古誼本公忠驚聽繁聲滿殿中一任高才似雄白  
無端悔煞宋司空

銀漢

懷吳粟生西陵

桐露初零絡緯啼虛堂延望楚雲低若教漢上生蔥領  
不放河流日夜西

乙丑十月

昨夜嚴霜葛屨寒禿鷺春鷺共凋殘松陰偶見梳翎鶴  
始信人閒重羽翰

游仙



殿外期門幟尚紅已傳豹尾出回中武皇自謁西王母  
底事銀河不向東

乙丑十月二十二日

白雲無心偶出山西風惡浪使之還舊時猿鶴皆騰笑  
輸我寒巖鎮日閒

春柳詞題盛杏孫照

宜風宜雨又宜烟三月春深始脫綿今日洞庭波已動  
染衣消息待明年

陶公三徑碧森沈前日蘇隄祖德深聞說官衙有長物  
一肩書籍一囊琴

濯濯風姿絕點塵微雲釀作十分春他年植向靈和殿

定有清陰蔭萬人

久將搖落感金城太液恩波隔萬程卻視故人依上苑  
勳名好繼武昌營

洪海如福抱研圖

日月重光井里墟羅含舊宅近何如甘瓜苦筍梅溪路  
好結團蕉寫道書

贈傅彤如

彎弧騎馬歷龍庭孤負華年兩鬢青頭白歸來江上寺  
爐香秋雨夜談經

題扇

寺前春雨漲回溪溪上苔深楚日西童子抱琴僧拄杖

滿山苦竹鷓鴣啼

憶鄂渚劉園

昨宵明月忽東風今日朱樓細雨中雙燕特憐園內杏

一年幾日稱衫紅往者湖北省城內有劉園劉死塑已象於園若土神游者祈晴雨有驗焉

地在草埠門桃花嶺

湖石生苔樹著花金罍玉笛駐香車歸時各有來時路

莫問門前噪暮鴉

東郊風景是清明著屐乘車各出城我勸社公溫社酒

爲誰陰雨爲誰晴

黃鶯調舌燕操泥鸚鵡留人畫棟低同是天生好言語

不須文彩似山鷄劉市井人不解文字

自題扇背

蒙被嬌啼久愴神蕪蕪無復漢宮春不緣寂寞飛廉觀

渠重西池戴勝人

內視功成下九天傳聞儀態幻雲烟浮邱在左洪厓右

復駕青鸞訪僮佺

鳳臺簫歇夜鐙紅池館櫻桃怨晚風昨向東廂逢綠幘

知君家有主人翁

柏寢銅盤事有無自誇位業應真圖那堪受盡新垣詐

更看將軍佩印趨

朱鳥窗開阿母留爲言桃實已千秋君王畢竟輸臣朔

兩度親從海上偷

青鵲傳言未有因，猗蘭小閣闇珠塵。  
武皇早識非仙骨，已把金莖賜侍臣。

上元書籙譯遲遲，鳥篆離奇總不知。  
一事令人慚穆滿，高歌黃竹到瑤池。

陰道陽方兩不成，惱公空自爲吹笙。  
仰舒未第公孫老，留取他時賦漢京。

梅翁詩鈔十四

終

受業外孫吳鏗慶隨校

梅翁詩鈔十五

江甯汪士鐸

甥上元吳達重校刊

方俊民間近况

身外事皆無，櫛柄世閒人。豈有畦町衰翁飽，飯何功課閉戶澆花讀內經。

讀金元人詩做元遺山論詩絕句

代

萇宏碧血到圖書，澤雨恩風作頌初。借問當年蘇武節

三韓天遠竟何如

宇文虛中

天上春來韻獨工，夜寒茅店妙無窮。至今三復東山集

不似雲山似婦翁

吳激

百年樂府並深州，穎上淮南紀舊遊。喜有佳兒傳絕學

水經史志盡千秋

蔡松年

篆法斯冰有替人放懷山水更清新不緣詩句如陶謝

制誥文章已出塵

党懷英

禮部聲名天北斗憂時感事鬢絲深可憐竟以詩文掩

忘卻宗臣愛國心

趙秉文

談鋒一代莫之先經史文章壓古燕留得蘇黃評語在

不教嗣法作真傳

王若虛

少日南陽作酒官北歸顛顛入黃冠殘衣竟歲無人補

孤鶴西山獨往難

王元粹

天馬行空氣象孤峰巒青翠插平蕪都門一作哀涼甚

何止風流繼大蘇

元好問

樂府饒歌漢魏才新翻變徵有餘哀千秋老吏推虞集

廷尉堂前斷獄來

虞集

玉佩珠璫蔭翠旗時花濯露折枝枝穠鮮耀豔超同輩

清廟明堂豈不宜

薩天錫

金粟山人品最清轉因纖巧得時名齊紈越布衣天下

何必江妃錦過輕

顧玉瑛

傅粉塗脂被綺羅一時書畫溯鷗波不應都下稱三絕

稽古偏忘麥秀歌

趙孟頫

偶感

共攜尊酒短亭西愛聽遮姑惜馬蹄莫向長隄折楊柳

春風怕說杜鵑啼

楊柳枝詞送吳甥粒生遊晉

河隄草綠正春三柳抱郵亭拖蔚藍幸有畫梁雙燕送

曉風殘月去江南

陳念劬與同行

昔年驅馬游大梁鞭絲帽影官道旁汴隄無客吹葭管

卻把河干當故鄉

言昔時游梁事

室內君多黃口兒無衣無米復何爲秦淮舊例多楊柳

莫管春風管別離

新亭亭父老無事自折楊枝種後園柳絮渡江園又廢  
者回相見幾人存

漫題

削平禍亂廢荒城欲訪田廬路不明各有傷心千種恨

畫工雖巧繪難成

自題

亂後榛蕪有敝廬褐衣疏食樂鶉居荀卿到老攻詩賦  
那羨臣斯不好書

東花園有感

當年華屋已山邱取酒吳姬盡白頭日暮閒階飛蚱蜢  
無人行處是朱樓

薛慰農先生杖挂百錢圖

胷中涇渭牀上下眼底龍蛇歲詘伸買醉買山公事在  
江河萬古此前津

都人誤認孝經師太守風流眾不知我仰高山未修謁

懷中刺滅定嫌遲

無題

才過揚州又兗州談兵說劍徧諸侯那知珠履三千外  
別有人閒馬少游  
烏孫大道過伊涼細馬明駝總急裝莫怨東風能作劇  
桃花輕薄柳花狂

當筵

當筵雄辯說三才兵甲森嚴武庫開除卻劉輿能賦物  
何妨東海是金臺  
濟大事須除客氣交隣國首不妄言多君不學景延廣  
與波上下苟自存

誰移荷植太華巔開花十丈豈其然雖幸不曾呼作柱  
終恐槐市霧如烟

黃老術全曹相國功名晚節非本心白楊蕭瑟狐兔走  
又覓雍門聽鼓琴

許鄭程朱第一籌蕭曹衛霍亦英流祇知釋勸勤三復  
此是愚夫百尺樓

羊胃羊頭氣味存爰居聽鼓鶴乘軒子輿貫作諸侯客  
宜笑於陵老灌園

與胡恆新話昔游

雛僧縛帚掃紅葉病鶴驚人上翠微記飴栖霞西閣上  
松蕈鮮脆竹萌肥

論詩文

範水模山豈易逢葉公况未見真龍於今學子論文獻  
誰是東萊呂伯恭

太華三峯戍創新翠連關隴壓河津涪翁合作西江祖  
多事虞山撼樹人

效玉溪生戲題

當家衣鉢薄蓬萊汴水枯楊手自栽日暮飛花滿門巷  
終朝低首掃蒼苔

歌院喧傳乞食聲蘇張辨口誤傾城尊前半臂肩難卸  
冷殺修書宋子京

素風不厭祇園貧瓶鉢蕭然般若身那識影堂執巾拂

卽爲嗤點阿師人

效義山紀事

畫殺朱絲白面郎同騎竹馬繞隊塢若爲路見雙黃鸝  
莫道他年化鳳凰

傅粉施朱謁後塵掃門漫遣相公噴分明女伴傳嬌語  
嬰武籠中解笑人

野鷹從不下金鞵百尺荒臺漢水秋休爲大牛問芻豆  
曹公昨已入荊州

誰遣烏銅作素屏被人偷見兩眉青方平已老麻姑少  
好道於今屬蔡經

自題寒谷菴圖

雪海冰山住許時誤因聞見墮支離於今求得安心偈  
深愧三峯樹火師  
蛇鼠紛紜得幾時不能運坎去填離卻愁世有邢和璞  
知我前身是永師

代芝生記夢時大府禮聘芝生專司名法芝生將

去鄂垣故戲題其揚州夢傳奇

海上樓臺畫裏山無端噩夢到柴關漢皇自愛西王母  
那識雲中有阿環

媿殺牛衣與練裘廿年心事淡浮雲蘅蕪懷盡秋宵永  
妙術今無李少君

排比千支過畫橋周秦虛演漢唐嬌卻因楚客工詞賦

始憶前身謚玉簫

碧雞坊裡見無雙楚舞吳歛雨未降白馬不來黃棘死  
哀蟬落葉永陽江

頗笑燕齊夥謫仙棗如瓜巨藕如船裴回汶上荒祠在  
留得前賢閔子騫

霸陵不見挽車人電火仍留劫外身襄野迷塗初返後  
秋燈通德話蘭因

清秋月下見羅敷借問民間有故夫松影石壇風露冷  
漫移香夢到江湖

春過天台萬樹花未逢劫運已蟲沙再傳師是窮禪客  
隱語迷離作楚些



陶尚之獨立圖

簡練揣摩君酒德緣循因畏我茶經鼃鼃莫莫城南路  
俱是江東處士星

漢宮怨

悔畫雙蛾如寵心玉階露滑碧苔深後宮十四原多位  
不費長門買賦金  
爲容何必果如花猶傍昭陽近日華不見自矜顏色好  
琵琶萬里怨龍沙

鄧完白梅石君石交圖

石如山人介于石石君先生淡如水世情翻覆作雨雲  
石不能言點頭耳

聞某觀察事題對鏡美人

彩鸞對影目無人惆悵兮而私自憐一樣蛾眉千種老  
願卿珍重百年身

自題

寶其鱗爪棄驪珠非祖西江祧大蘇一鉢一餅一巾拂  
旁人誤認躡浮圖

感物

落葉畏風甘赴水孤雲背日嬾還山蓬萊兜率無歸處  
仍在書林畫苑閒

陳松泉司馬畫冊

舊傳指下十三聲銀甲當樓按拍明聽到換頭哀豔處

寒蟬疎雨豆花棚  
階下碧蕪雙屐雨屏閒青裊一鑪香  
姬人繡罷憑欄立  
閒教嬰哥呪海棠

玉樹

玉樹青蔥月影明九天雷雨滿江城  
鳳臺如舊秦簫遠燕子呢喃話不清

久聞

久聞萬里有長城年少紛紛尚請纓  
欲勸河南尹師魯著書談道莫談兵  
投營樓閣玲瓏事有無清歌空用百明珠  
那知方朔偷桃後祇贖仙人五嶽圖  
捐納

西望瑤池百尺高從官同此醉仙桃  
穆王自是思王母

豈為區區八駿勞

保舉

坂走銅丸馬注坡旁人駭殺魯陽戈  
上方一霎雷霆散尚有夫人隔絳河  
簡放

詠鵝

謝家池館鷓鴣飛欲解黃冠者縞衣  
除是會稽王內史能收筆墨喚卿歸

半李誰分井上甘於陵生計在懲貪  
春江水暖卿雖識卻累清名北斗南

周君召飲

咸豐四年甲寅

周君拄杖來作別分我西山一把薇  
中有黃農虞夏淚

啟緘簇簇浣征衣

周蓉臺改字薇初饋子鹽荀周名肇元王子孝廉也○時子將之績溪

張生

沂字次淮循循猶執禮余子長青字古芸

鏗鏗好說經今日

清尊一揮手東西七十五長亭

題尚仰止明經

光山藏王瑟雲

建和問津圖

琴書灰盡一身存頭白歸來雪塞門

同治三年如解賣文兼

賣藥天涯何處不桃源

藜不能蒸飴作糜一竿虛號釣魚師桑麻雞犬人間世

媿我癡頑莫可醫

朱簾

朱簾才卷便傾城贏得教坊第一名空學琵琶無用處

月明東內只次笙

薄絲衫子佩明璫鏡裏朱顏任漸腸昨日上陽蒙選入

紫袍復學內家裝

絳河迢遞隔晴暉遙羨雲中白鳳飛借問上真今日服

雙孫文履五銖衣

上林游獵本尋常豹尾分明御幃旁十四漢宮齊入侍

承恩不信只昭陽

興慶宮牆接夾城秋宵誰效接歌聲真妃別有霓裳曲

多恐人間學不成

題王文成答羅整庵書為孫澄之作

後來格物重淮南萬象依然太極含莫詆姚江傳習錄

庭前柏樹已深參

題徐侯齋清流種卷子

卷藏翁  
鐵梅處

天平虎阜兩祠成  
居易文章繡梓行  
誰識空山風雨夜  
窮交三五葬遺民

悔翁詩鈔十五

終

受業外孫吳松慶隨校

悔翁詩鈔補遺

江甯汪士鐸

甥上元吳達重校刊

釋迦

釋迦以文名知才不經世設諸詭譎詞乃爲乞食計無  
競在能忍靜極自生慧智仁完其身非果能普濟惟其  
心性學深微極無際歸功在慎獨克復並鉅細終以貌  
異儒功修足流弊

秋氣

秋氣來方微小蟲悄然懼知肆肅殺威動植失故步逃  
居士室中呼儔警霜露非敢惜賤軀恐誤逢公怒運會  
有王伯椿菌異日暮松貞柏始悅皮去毛安傳君毋出

籬落妄意館餐遇

有感

浣紗越溪女共羨施家姝豔裝出宮殿苴布隨陶朱此  
身輕柳絮尙值一錢無古來重好色偃蹇更數夫  
皎月出東斗清光隨所之一爲碧雲蔽彩色皆數奇大  
已遺江海穢乃逐污池素魄尙受咎君子無飾辭  
耆欲不在大皆能困吾身樹伐猶有葉鏡明原無塵聖  
賢言克己視聽存其真耳目自塗飾安能期歸仁  
百年期有盡湛樂先去甚三命異生初庶類安其品貪  
得誤在梁懷音已食甚幸辭漢川佩好夢斷孤枕  
少懷絕俗志期望在千載寸心完太素有目不視彩伺

音宮角動相累蝦雀殆爾室雖無言門外若爲待快意  
僅毫髮取禍過菹醢兩臂重天下無咎存乎悔

陳雨生後湖秋泛圖

涼飆雕春妍清流照晚翠鏡虛潛鱗泳粉消餘馨墜蕭  
然烟水外未虞羣賢至觥籌雖錯陳咸襄辟煥意殘荷  
無媚情疎散態各異同此抱苦心遲莫卒莫易始知君  
子德不以老見棄

黃羊

此涉上所聞也

黃羊有力奮黑羊角才拳黃羊墨自語眼見殺癩飛上  
天黃羊化老婦祀竈禮數虔黑羊能生羔作裘祀倉玄  
抑或產肥羶醢酒諸父筵播羝計較審恐其觸藩致罪

言和道  
二  
愆開牢使之去墳首誠可憐我更憐鄭伯才拙不解左  
右牽搔首追感叱白石悄悄往事成雲烟

觀音堂

遙投招提宿夕陰起松樾僧孤清磬疎竹深涼露滴籃  
輿驚棲禽園蔬煮亭憇臥對一龕燈光照八方寂

讀書

讀書貫古今於時觀其通名論豈一致兩端用其中毋  
若宋梁人治書受困同見韓非子外儲篇襲六可爲七誰繼羣  
賢風

西來庵

初曦淡林烟人語出深篠陟巘得幽棲竹房曲窈窕主

人停素琴導予坐清沼仰窺巖石危頰眎洞壑窅中廚  
烹山蔬粥香度木杪朝饗飽我飢加羞二芋小閒雲相  
送歸僕夫伺林表

無題

糠覈尚未充君欲備諸衽謂以天孫尊心嚼所不禁一  
寸芳草榮百年樛木蔭至今乏豚犬實余貧已甚如何  
介推妹弗繼孟子任河東吼方厲江汜語宜噤餒而哀  
鬼神同此殄祀讖

薤露

久次蓬山頂累清柳塞塵黃金鋪舊埒白璧遜前身高  
瞻攄遠略廣步據要津風雷叱咤變華靡左右陳張范

桃李客丙魏葭苧親天眷孚一德臣節欽四鄰哀哉苑  
上露年甫滿三旬

為蓉艇題美人二十四首

閱徧漢宮色苦無當意人偶對一奩玉猶詡十分春忽  
焉脂粉洗自窺面目真始知傾國者妾兒非其倫對鏡  
無心效時世著手即春妍有若經綸學能參化育權薰  
修功苟至色相迹宜捐性海自瑩潔湛然孤月圓替花  
志偶寄山水非敢矜高深賤妾豈獻技夫子真知音興  
與么弦絕趣隨明月沈會當碎此木還我太古心彈琴  
小庭才一丈種此青琅玕為近君子德雅忘衣袖單高  
音中金石清影捎鳳鸞妾本抱冬心與君守歲寒倚竹

肥瘠歲不同舊貫何必改勸卿莫輕翦翦斷恐中悔念  
彼寒女機杼軸有光彩予手幸得之良工尚稍待裁衣  
鷗波性側媚待詔加纖弱此不宜須眉或可施閨閣閨  
閣有大戒十香與十索即如同文錦亦切莫妄作寫字  
畫花須畫月畫枝須畫雪月本晶瑩姿雪抱冰霜節閉  
門甘忍饑與汝共清絕點點更圈圈俗工所傳說畫梅  
成敗在事後未諳當局難彼此俱國手我且壁上觀天  
困以才力勢遂轉危安慎哉一着錯旁人心目寒觀棋  
寸鐵即殺人所殺能幾何屢赦而持法止殺所殺多項  
莊技誠工不及酷吏苛勸卿勿說劍且學法律科舞劍  
昨聞怨楊柳今又落梅花知君愛秋色亦復憐春華子

聽龍吟曲倚樓長咨嗟山陽雖已歸鄰人無幾家吹笛  
 此會百為息所見皆虛空墮落諸境趣情與身受同欣  
 戚恩怨理俱出感觸中間坐悟生防十年徒粉紅春睡  
 卿見人而言幸人能喜之人見卿不言恐卿能學之卿  
 以言自囚人敢不鑒之哀哉秦吉了竟敢再蹈之調鸚  
 巧者跌之兆高者危之機世人贊其捷君子以為非不  
 如立平地掠鬢整銖衣舍身娛人目卿宜慎於微秋千  
 醉心在金粉過眼俱雲烟既為紈扇撲又為櫺櫳纏不  
 為花底活何以墜業緣空園有蟬蛻卿必不云然撲蝶  
 蛟龍不受餌可餌只魴鯉所得非所期雖得不足喜所  
 得過所期得之憂懼起嚴陵能自審不妄思涓水垂釣

燕樂無祝敢藉此調笙簧妾心自慎誤本不為周郎一  
 倡再三歎聲曼韵益長吳音乃爾爾非以節伊涼拍板  
 巧不貫鵬羽很不射虎狼近日弧矢威多在脂粉場金  
 翠志人目笑啼裂人腸君若辟利鏃燔須歸空王射箭  
 持律苦束縛求法原艱難不如習禪靜坐臥一蒲團心  
 若秋月寂氣如孤嶺寒一燈質古德無言契如蘭拜佛  
 羊腸既至險蟾魄非常員早知妾薄命悔與君周旋高  
 卑所處地炎涼所值天侍兒休乞巧巧極生人憐乞巧  
 非關愛春色尤非現娉婷天地生生機萌芽一縷青它  
 日薰蕕氣幾人長短亭穠華易消歇漫詡讀葩經踏青  
 放眼觀宇宙自強在執持敲邪本不可攀援更非宜少



習曲臺記今親君子儀矯矯如泥塑益顯嫵媚姿獨立  
 妾有傾城姿更有曠世度逮下本有恩爭妍豈所妒玉  
 階只尺地尊卑懷禮數莫存奪嫡心君子慎回顧並立  
 心香蕪一瓣拜月下蘭除祝月常團圓桂影無盈虛怪  
 月太廣大照人無親疎如卿私昵語不若為鰥魚拜月  
 紅欄一十二窈窕巫山峯莫謂攀附巧偶為時地容要  
 支遮面面花影壓重重此會有曲折人生幸一逢倚欄  
 邢子膺世銘之兄世鏞硯  
 伯氏羽化硯則存閒關兵燹潤以溫仲以因子嗣厥臯  
 俾力茲田不素飧尙永保之子若孫

題陳寶森勳遺詩

元龍豪氣樓百尺道敏行無諾責天生劫運忌端人  
 卻向鳳鸞翦羽翮才高命蹇青壇寒偶經堦水迦河十  
 飛鴻已逝留爪跡珍重子產論嚴寬綱紀潛移文武偏  
 明年盜起江城破大賢卓識懷萑蒲果待星周方表賀  
 吾友仁者鄧守與包興搜訪先澤完白山人及慎伯先生所作字如菁  
 茅陳君門子又若是辟癩簫瑄調笙匏道人晚年發深  
 省德機欲杜筆硯屏悔餘狂論滿人閒山寂潭空月留  
 影

謝獨山莫君善徵祥延訂孫文恭集淮海先主孫應鰲也  
 文恭自信堪為師關中石墨未見之孔門家法首言學  
 師堂必自弟子基識大識小漸一貫範以經曲嫺威儀

歸仁何在在復禮緒餘陶鑄英賢姿不其河汾兩衣鉢  
秦州伊洛皆宗支儒官持法課文字身教言教原分馳  
餘姚勳名重南服天泉傳習拈良知文恭私淑再傳後  
秦蜀愛戴嗟來遲君家昆季敬邦彥搜羅圭璧全無遺  
更言不朽有學孔編示萬世非徒詩眷言煢獨硯田薄  
俾於暇日從事斯江東連年旱蝗甚若問米價量珠炊  
同時逐客凡八九神通變化游天池老無問字誰載酒  
泌水未足療朝飢古人一困肯指贈下走蒙此慚非宜  
炎曦鏢人把卷坐不劇黃獨能舖糜

陳桐川饋西施舌

亂世有美忌矯矯負異卒與禍僚嬈詩戒長舌書司晨

西施無言吳亦沼樹梧未必勝苾蘿采香未必如虞蓼  
姑蘇臺圯泛五湖笑殺浣紗諸窈窕無情最是陶朱公  
問卿頗解憶甬東此身化作西窗燭擁髻嬌啼徹夜紅

又饋女兒紅林禽十二枚

陳甥哀我老禿翁貽我十二女兒紅三千鍾乳豈易得  
惕然垂戒思蜜公堆槃赤柰形礪礪金錯擘開玫瑰采  
點湯新瀾龍井茶味勝雪梨氣蘭茝山妻老病髮不梳  
施朱敷粉功久疎得此日佐魚蟹眼能療半月渴相如

汪麗川饋佛手柑

柑未經霜色尙綠碧玉約指互拳曲爲我朱絲懸帳中  
瑟瑟疎香祛塵俗昔年八月選佛場參透如來是金粟

同門分得一指禪我荷金光乃九櫬往年存者病頭陀  
背僂目眇足復跼巾拂餅鉢俱喜舍尙抱殘編未脫桎  
何時亦若梅子黃文字一鐙差可續

胡昭甫送黃檗山新茶

渴如霑雨得灰止興如涸鱗得水起窘如貧人得財喜  
况色香味淡肌髓徽山支曰黃檗山終年雲霧封巖關  
排空百里積青翠啼猿卻步鴉飛還春來雪霽沃烟雨  
高崖岩粵爭開顏就中芽茶更脫穎旗舒槍突森班班  
胡生好事爲攀摘寄到冰霜太古液鉤唇棘吻甘始回  
儼對五峰老仙客五老峯山旁支也南望君宅隔丹霞報君文  
集題永嘉葉水心許季宣及秋林葉落打老屋君自讀

書我煮茶

謝莫君善徵饋新龍井茶並日本人刊輿圖

屢欲乘桴作海客十丈紅塵阻雙屐今晨忽得良友書  
餽我雲腴腴圖籍龍井春早焙僧房青瓷淪出西湖碧  
蛛絲詰屈三尺方測海鞭山縮地脈千金易致二美難  
勛我覆簣兼漱石荒園蕪穢力不除和璧啟積光茅廬  
滿腸滌胃頌惠政遠感異域來飛車

贈至真全真

淨名道院有仙客佛心儒行女官裝元君借與冰雪骨  
唇朱眉青眸子方手揮塵尾玉一色神靜以穆氣蘭芳  
竹窗窈窕晝朗爽翩翩風舉霓衣裳捧冠霞帔弟子侍

拈示妙義超列莊谷神不死在慎獨精神內斂它勿詳  
睹聞戒慎功勿倦怠息綿綿同丹房星辰夜埃法壇肅  
自然陽氣凝繩牀少微隔簾亦諦聽音妙鸞鳳調笙簧  
龍虎不動藥苗長千歲蝙蝠窺雲漿爲飭雷電下追取  
謫居雪嶺三千霜同院有盜其金者爲告有司逐去之遂謝徒侶欲超舉  
改參內典皈空王鯁生夙昔仰宗杲氣節頗慕無垢張  
請渾孔墨互師友湔我名利塵腐腸拾松煮茶飯麻實  
蓮漏久盡參斗涼虎溪遠送屬珍重願隨鴻雁東南翔

李小池壯游圖

富媪吐氣堙謫恢運會特爲中興開創闢草昧化榛狂  
豈惟后收皆奇才月卿星使下霄漢敷文不爲金銀臺  
東西追逐日出入駕鰲四足驅風雷要使鵬翮九萬里  
刮磨鱗介湔塵灰應期崛起二子招搖轉指隨斗魁  
日空伯益隘章亥鼉鼉梁穩輕龍媒非常怪事古所少  
百靈嘘吸由三台馮夷擊鼓鮫女舞仰慕堯德欽翹材  
青雲干呂海波靜好圖王會其球來

石佛庵茶亭晤眞菴上人

鴉山鴉山張丹屏其東茅庵松架亭天矯瘦蛟蛻留形  
伐毛猶帶江湖腥道人髮白龐眉青煮茶飲客親洗瓶  
早年破夢超塵局師門孤負涕以零道人常孰文生受知姚文信公會  
訂蒼雅窮葩經傳金壇派燈熒熒舊雨不來嗟晨星徹  
帚自享紅蟬馨與余偶聚風中萍代謀呵護邀山靈筭

與健力爲久停堂下深喜天龍聽

戲答友人

伯夷柳下夢坐獄商君韓非判直曲薇蕨盜取未輸錢  
身非黃門必污辱爰書朝上丞相斯夕下京兆先桎梏  
髡鉗已就三歲刑城旦何嘗百身贖兀者蹠踵趾先斷  
點爾疏狂濕受束道人雖老亦懷刑昨因祭墓出郊坰  
輿中閉置若新婦張目偶見方山青冥思乘此覽九野  
瞽師洞見聾丞聽旁觀告密上其事皋陶不肯爲道地  
山川風雨盡左證神知無辜屬之吏菩提援我大慈悲  
於五戒外增一義乞食晏坐勿出遊南山有律本無字  
犯者罰墮世情隊世尊顧咳詔如議半畝小邱新綠香

草堂復列千縹緗法當守此莫闌出白蜨一雙監匡床

子兩三年來頂髮不滿百莖而交五更  
卽不能睡至行步盤踞又其共見者也

二豪

才色在人本非福女必宿癩男散木曲亭小飲俯河壻  
客話二豪皆世族雲窗霧閣多麗人吹笙偶現飛仙身  
宵深騎鶴自沖舉餘香猶足矯青春一豪翩翩五陵客  
裘馬薰人誇世澤千金期買半夕歡一蹶忽由萬言策  
一豪糾糾耻爲儒起家趨走拳莖芻手擲巨橐直百萬  
翠玉彫佩明月珠石崇王愷競豪舉各有印驢作心膂  
鳩媒巧語以幣交壯士恃強將劫汝麗人乘夜逃河干  
一舸載月烟水寒誓完絜白洗脂粉甘執樵汲燔綺紈

閉戶十年拒狂暴，矍然自礪冰霜操。二豪禍敗俱籍沒，  
國法森嚴徒媚竈。落魄偶聚旗亭中，縱談往事雙眼  
紅。妄思鸞餘可合并，忽謀篡取同春風。天道惡盈懲始  
禍，博徒竊盜牽連坐。鐵鎖琅瑯入岸牢，官符所下如星  
火。二豪以才富，以鄰麗人。以色幾風塵，始知醜拙乃大  
幸。超然物外全其真。

茹麻嶺

達摩攜履去，呂嵒飛鸞臨。必露神奇跡，俱非道者心。閭  
閻方不靖，怪誕懼相尋。卽欲談元妙，道安與道林。  
時危知好士，晝戟啓轅門。無奈書生識，難酬國士恩。平  
生卑管晏，末路媿金元。今日彈冠者，徒誇一劍存。

大夫先倒屣，卽將善摸金。巧試魚龍戲，真呈狗彘心。脂  
膏羣飽橐，黨羽竟焚琴。昨暮登高望，流亡淚滿襟。

魚亭

暮色迷山徑，寒雲凍幾層。雨中僧院磬，河外酒樓鐙。販  
婦羣舂麥，舟人約鑿冰。與夫爭薄絮，小榻折紅藤。  
謁食魚亭麥，居人戒起遲。山雞蒸玉醴，海燕遜銀絲。白  
泛鄉村釀，紅翻野戍旗。行人方調笑，老姥數錢時。

謝甘竹生饋新舊唐書

光緒三年丁丑  
十二月小除日

西湖一千里，歲晏發雙魚。復次雲中鶴，分子乙部書。沈  
鈔不可得，岑板亦焚如。今夜滄江月，虹光蔭草廬。

曾文正贈

蔣寅昉云虹穿古屋藏  
書在龍護歸舟渡海來

題焦尾閣遺詩 戊寅六月三日

孺人王盧氏性賢孝况乃富文詞日下金閨彥子某庚午舉人

階前玉樹枝履危咸豐十一年避寇山中作時一瞬流譽刊令子將壽

千期維誦嘯山傳張文虎談天言天不以貧富天壽無

可疑

問月

絕憶春明日禪堂謁客譁時方河海晏師慮雪霜加圓

缺數久定盈虛理未差謂予如死霰且早樂烟霞

記得如圭事明明可掇之團團猶異日離別在今時朗

卽干潭印修非七寶宜平生無好夢占不到常儀

皎皎正盈盈艱危同在城蝦蟆不能割願免枉含情北

極雖佳氣南風多死聲邨州况獨處何敢結芳盟

借問月何事江涯復海涯途遙人永別秋冷我無家靈

藥卽不死天香空著花銀河方在近誰挽洗兵車

悉率

悉率古良士故多身外憂難禁天地肅敢爲稻梁謀落

月屋梁冷么弦曲巷秋寄聲小兒女久已役車休

四月八日五更紀夢 庚辰

亂山翳殘雪初日下疎林獨砮壩橋水獲聞石磬音瓦

盆俛火煖草薦屬窗深境僻自岑寂迢然養道心

工程局新得顧東橋墓誌文待詔書也 同治六年

故家文獻餘碑版大匠磨礪備戚平豈料爨桐逢特賞

同劔隴蘇有餘情籠烟浥露簪花格夏石敲金擲地聲  
從古江東少人物嘉隆已往只先生

汪抱虛山人 績溪人字介堂名士祺

一時篆刻嗣停雲跳虎蟠螭赤白文高節久推深竹里  
君居愈人又見長桑君銘留茗椀期雌伏賦到芝英曠  
材名鶴羣 君詒予茶船刻銘相戒又贈子松芝欲向六都尋舊隱徽山迢遞阻  
清芬

汪梅軒客死華陰 鏡清績溪人

道氣溫溫德有餘令人不可得親疏家貧妻子真成病  
地隔關河莫致書荒隴幾時來大鳥故交從此泣枯魚  
勸君休怨花燈盡瓦礫消條失井閭 君家為花燈所破乃就館關中也

汪惺吾同年 維城宿松人

玉堂珥筆虛前夢作健殷殷急請纓乃以租庸虛夏稅  
遂捐冠紱欲春耕蛟龍已感留三板 謂守松滋事麋鹿難還  
痛百城 君自劾云與其為戀棧之昨向迎風深巷過寓  
錢飄泊晚烟清 鴛鴦不若為還山之麋鹿

閱劉孚翊 伯鶴與其友書

師兵營衛軒皇業儒釋仁柔信太偏十六相 同文館熙虞  
帝載二三策蔽武成篇 首載國書公岡豈繼結繩後 母字金火  
真窺演範前直賴夷吾在江左尙容平子賦思元

甯夏圖

漢唐宮闕倚關中河外三山朝燧通英主竟成靈武業



將星惟賴朔方功  
陰山放牧牛羊壯  
北假屯田黍稷豐  
獨對殘編思地利  
賀蘭氣象古今同

向張二忠武公祠

功名成敗緣時數  
公議於今尙在人  
西蜀將猷思向寵  
北江威略重張巡  
屢持籜節忠謀壯  
再蹶霜蹄戰血新  
野老相逢談往事  
一杯明水薦溪蘋

有感

提囊握算謁諸侯  
分得餘光預勝流  
輪奐一新深井里  
市廛徧列大航頭  
催來博進盈千貫  
借到叢神已八秋  
添得湖湘今郡望  
歷陽先隴久荒邱

六張

謂太倉私渠師漫澤開甫廣文平定石舟明  
經上元容同江甯子經兩徵君南陽儉卿上

舍

友誼師恩那敢拋  
井閭亂後幸誅茅  
嗜痂味外別有味  
如水交原不濫交  
遠道三千多旅食  
守身六四矢坤爻  
故園今負芹蒿願  
拚與時人笑繫匏

汪從吾

維城解組回里辛酉

其魚纔免去邾城  
宦橐蕭蕭白髮生  
身返河汾成大隱  
名盈溝澮是虛聲  
蜚鴻滿野倉箱罄  
林鹿還山印綬輕  
賢者去留關氣運  
爲君太息未能平

君以迂闊  
挂吏議

追悼松崖全家自焚殉難

成仁取義賢人事  
今見吾家老畫師  
呼籲地天餘桂樹  
提攜妻子並楊枝  
未嘗鑄錯心如鐵  
每欲從軍鬢已絲

言補遺  
我惜江淹才久盡竟無佳傳報君遲

深喜

深喜疏花綴柳林一千里外識鄉音  
饅瓜螬李同時苦芻狗茅龍銜俗心  
春夢不離慈母竹秋河自急女嬃砧  
鐙前無限胡笳怨此日誰憐爨下琴

梁庄浣衣者郡中慈湖人也

某大吏

警人塵夢過清鐘絕世聰明用及鋒  
東濕有才嫌刻薄居高得地偽優容  
難窺城府如司馬誓棄詩書是祖龍  
破浪乘風致千里雲山巧拙隔千重

答丁果臣

夜扣園扉若疾雷傳言謀者自  
京回昨朝御仗方

巡狩今日甘泉化草萊投袂勤王邊  
帥計翦燈痛哭小臣哀披緇屨遂遺黎  
志尙冀呼鷹試築臺

憶范太守西民

維摩經卷徽山寄擔客倉黃失鯉魚  
旦夕聞君辭楚相春秋勸我著虞書  
前鋒南嶽新傳箭舊宅吳山未卜居  
卽有仙人肯偕隱江皋無處不邱虛

答徐曉泉同年

自江蘇改官湖北

絳雲舒卷映日紅白雲滅沒隨天風  
山川林藪雜龍氣俱能變化期無窮  
金聲玉振賢者事鴻鵠一舉卑江東  
藍縷窮餓本吾分望君早霈爲霖功

時方祈雨

相印

相印命珪來九天公侯子孫世蟬聯萬八千歲壽考健  
六十七人朋友賢用先友記內而卿監外節度南極嶺海北  
幽燕謳歌徧有井水處謂之名世胡不然

秋水

秋水轟厖薄石磯式微式微胡不歸以詩三百五篇諫  
形予四十九年非鸞鳩無知似相諷鳶魚適性方忘機  
明朝柴車冒雨去僕已痛矣馬不肥

題師氏語錄

自歸蓮社餘尊酒雖賦閒情事本無怨偶益爲銜矢鳥  
微詞虛託墜樓珠昨聞苗女求佳士遂說羅敷有故夫  
脫使先施能網得應乘一舸泛江湖

題詞

盟會征誅七國同尙文深識弊無窮民尊工賈原真學  
誼始君臣亦古風夷夏漸成江海會重黎難絕地天通  
富强誰啟千春俗望斷靈王與孝公

遙山

遙山作釜甑初開電引癡龍駕晚雷十里一亭秦法古  
四弦三拍楚歌哀關門路狹留人跡戍角聲低想霸才  
石城晉桓彝築此夕山靈應笑我年年負擔尙登臺

道者

道者竹冠芰荷衣如雲出岫心何機溪南詩老記顛末  
齊東野人荒是非白雪偶彈琴一曲青雲不羨鳥雙飛

五陵年少誇裘馬陽烏方升螢火微

廣川回望

蟬委遺蛻神理去有相應成百不堪衛水增波溼芒屨  
村泥髮柳剩茅庵人閒世異維摩室海上山思彌勒龕  
車鈴郎當催曉夢誤承授記宿畿關

聞趙尊師將遊三茅詩以速之

崇禧宮觀亦丹邱瑤草瓊葩萬古留道內外篇傳白鶴  
江南東路望青牛定逢女子知康伯况是宗風有伯旂  
師已願備掃除壇下隸日遲飛舄到昇州

贈賀幼誠

海上浮鷗意態閒驚君相見鬢毛斑少時俠氣吞雲夢

近沉深城厄水山座有客星哆口笑言從賊壘戴頭還  
不如一舸窮沅水峯對香爐靜掩關

贈孟玉生

江南江北路非遙卅載重逢故意消三月烟花逢病酒  
二分明月罷吹簫遊魚貪餌漁師巧行馬施門府主驕  
我尚憶君池上柳獨甘風雨臥虹橋

在鄂憶田獻之

漁弟漁兄并長年綠蓑猶帶五陵烟近來交契惟詹尹  
早歲遭逢痛羽淵相腹有詩書難發冢邑淪蛟鱷嬾歸  
田滄江一係多灘石切莫輕操上水船

汶上懷趙尊師

昔年大邑誤兵車，忽觸仙人海上槎。卻向長途憐驛裏，倏驚荒隴誤蝦蟆。清淨塔人呼新進塔高懷潔若天山雪，下走空瞻火宅花。重過夕陽衰柳地，不禁老淚憶胡麻。曾蒙設食

庚辰五月四日聞何子清赴黃浦江死

射工射影莽愁予，醜詆伊誰豈步舒。君死由進賢某大令構之丁令

千年成海鶴，屈平五月初。五月葬江魚若云剛，德難容

物何以名賢，有薦書。學使林天齡薦之于朝日暮春申江上望，壻

鄉老友淚漣如。謂翁墩梅

午日悼子清

太阿之折本由剛，匣裏時騰貫斗光。遂與蛟龍爭角黍，恥隨鴈鶩逐餽糧。練裙已溼孤兒淚，君愛女久適人總帳猶無

少婦裝。君無妾媵欲與招魂迷定所，君骸骨未獲茅堂爲子罷蒲觴。

庚辰二月作

驅車不肯學王尊，幸是懷中漢節存。非馬放鳩無辯等，歐刀槃水亦仁恩。欣逢博望臨西極，不以燕人祭北門。徒習威儀工唯諾，致君何以邁羲軒。

學義山碧城

宵傳翠羽駕星淵，不使牽牛費聘錢。君馬四驪行繹繹，妾魚五色戲田田。瑤臺鳥散庭前樹，珊瑚海龍耕石上烟。莫更崑山拜王母，飛瓊弄玉已成仙。

聞甘翁二母蒙樂善好施之獎，特記之。已卯

河內河東苦旱荒玉圭告糴徧諸方 九重鳳詔頒

芻粟列郡鴻嗷盼稻梁會值孝思殷梓舍遂令慈惠感

萱堂過江人士瞻坊表巾篋於今有業陽

振給羣沾盛世仁大家聞亦動深曠欲蘇溝壑將枯骨

遂化簪瑱有脚春兩母並叨任恤獎百年猶感困窮人

頗思疇昔淮陰道一飯誰周涸轍鱗

題秦伯虞忠義錄

襤被西遊十一州昇宣歙池饒江眼中孤負晉陽秋若

為留得萇宏血江令歸來慰白頭

題高子安冊頁

遶鶴歸來日已斜聞君摧折到荆花江南無處無芳草

夢賦池塘只謝家

嚴家河

泉交河水綠平隄中市人歸草屋低苦竹連山春日暮

鷓姑啼過笮橋西

甘園

石山巧補竹籬疏六角亭東月上初亭外綠烟烟外水

絲絲香露浸芙蕖

程讓堂徵君注儀禮欵硯硯為鐘形為孫仲容銘

研產于欵福于端左程士禮君周官石鐘聲宏星斗寒

烏光鉏里徒洛觀時仲容方疏周官

胡愚園尊人遺象賊置之城樓上賊平乃得之

文武衣冠百不存妖氛纏斗變朝昏先民笑著雙眸子  
親見王師入北門

三二二

悔翁詩鈔補遺終

受業外孫吳鍾慶隨校

305  
20



終

